

Kitchi mishkikini ka miyosetc

Apitc ishkwá pidikagowin COVID-19 mishkiki

2.0 ka tisozinadek, March 29, 2021, nika kizis

Agonen keh pitowan, aminigik nash

- Kiga pijimitctowin, kija wisegendan, kiga miskozinin, kiga pakshinan, keh ija padikagowin, kiga wi-niba, kiga tewkwe, kiga wisagendan eh ija mishkwezin, kiga kikadimdjiyonin, kiga wisigendan eh ija ankosik kikin, kiga tewkwe.
- Kawin tebwe kida tigosinon onna keh akozigowin. Ishpin wedi kegon pijamitctowin, ka miznadegan, kinosh ki-mishkinin koni ijan akozimigwamic, ishkwá nisi-kijik pidikagowin, pakshin, kinowa kak koni ki-donkak, ishpin animizin nesewin, ishpin wabinowzin mamowi koshkwesewin, ishpaq tewkwewin (oshmesh 40°C) ijamiqik, ozampinen, koni kodik kegon ke segigowin (tapshkot pidikibinigowin inamijiyowin koni agwa nisidimijiyowin).
- AstraZeneca/COVISHIELD mishkiki ka ijinkadek, anawis kegon kiga pijimitc-ton Wedi mishkiki ka ijinkadek [Vaccine-Induced Prothrombotic Immune Thrombocytopenia \(VIPIT\)](#). Ishpin wedi pejik pijamitc-towin, ishkwá pidikagowin, teshagotc ndobom kimishkinim, ishpin anawis kishka nesewin, akoziwin kisidnakeh, pakshin ki nik kak koni ki kat kak, pijah ki misit kak wisigendamin, kitcona tewkwewin koni agwa tebwe wabin, koni apisiziwin, koni omigiwin awesh.

Panima nah misowatc niga nosiniyan COVID-19 mishkikini kwe omizinigan

- Wedi mishkiki kiga widokagon agwa kidja nidjibidowin COVID-19 akozowin Misowatc gotc ishkwé odapinimin wedi COVID-19 miskikin, panima misowatc kiga nosiniyan keh atcha gadek ima, kidja kibodonehpizin, kidja kizinjin mamowi agwa kidja peshwamitc kodik awik.
- Nanagijiton wedi akozowin COVID-19, ishpin inendimin akozowin, nda kenamidizin.

Anpitc dish kodik keh pinda pidikagowan

- Nijin nash panima kiga pidikago tedigo kidja minosek wedi mishkiki. Ishpin wedi pijinik pejik pidakagowin COVID-19, panima kiga nanagijiton anpitc kodik keh minigowibin, kimishkinim keh ikaditc Pijiyodon kimizinigan minowatc kodik nda pidikagowin.